

Communicaziun allas medias digl cumegn da Surses (Nr. 06-2018)

Embargo anfignen marde, igls 11-12-2018, allas 23.00

Surses: La destinaziun da vacanzas Savognin duess puspe daventar la destinaziun

A Savognin duessan neir erigias en hotel nov ed independentamaintg da tal er en resort da vacanzas nov. Tots dus projects èn previas sen ena parcella da biagier digl cumegn da Surses. Cun igls projects sviluppos da privats duessan neir stgaffias ulteriours letgs tgods e neir augmentada l'attractivitat dalla regiun da vacanzas. Igl cumegn da Surses prevei da metter a disposiziun igl taragn da biagier a cundiziuns favorevlas.

Sen la parcella digl cumegn da Surses cun ena surfatscha da radond 18'400 m² a Viols - sur igl Lai Barnagn a Savognin - èn planisos dus projects independents l'egn da l'oter. Per igl svilup digl hotel è responsabla la Panorama Development SA cun sedia a Coira, dantant tg'igl resort da vacanzas vign sviluppo dalla RESalpina ScRL cun sedia a Breil/Brigels. Igls sviluppaders da project na veian igls dus projects betg scu concorrenza, mabagn scu complettaziun. Cun igl hotel aint igl sectour da 4 steilas e cun igl resort da vacanzas drizzo a famiglias, duess neir augmento igl domber da letgs tgods basignevels per igl svilupp dalla destinaziun da vacanzas Savognin ed a madem taimp neir purschia novas e modernas pussebladads d'alloschamaint.

Project per hotel da 4 steilas

«Mein Ziel - Savognin» - è anc adegna en slogan famous cun attracziun tar famiglias svizas. Per igl reanimar cun nova vitalitad, planisescha la Panorama Development SA la realisaziun d'en hotel da 4 steilas nov, survart igl lai da far bogn da stad a Savognin. Igl hotel cumpeglia 108 tgombras cun 240 letgs, diversas ustareias per giasts digl hotel ma er per visitaders externs, scu er ena partiziun da wellness orientada agls basigns digls giasts digl hotel. Cun la Mövenpick Hotels & Resorts ò la Panorama Development SA gudagnea - e gio savia far contracts lions - en gestiunari da hotels renumo segl camp internaziunal, tgi vign a purtar aint la sia gronda experienscha internaziunala per francar Savognin da moda persistente sen la carta turistica cun ena purscheida vasta per famiglias, per sportists da stad e d'anviern scu er per ameis dalla nateira. Tenor plan da termins è l'avertura digl hotel preveida sen la midada digl onn 2020/2021.

Project per resort da vacanzas

La RESalpina ScRL domicileida a Breil/Brigels e spezialisada sen igl svilup e la realisaziun da projects turistics ainten las regiuns da muntogna è mademamaintg persvadeida digl potenzial dalla regiun da vacanzas Surses e planisescha la realisaziun d'en resort da vacanzas tgi è er situo sen taragn da cumegn survart igl Lai Barnagn a Savognin. Igl resort da vacanzas repartia sen ples bietgs, cumpeglia an tot radond 80 unitads d'abitar (cun abitaziuns da 2 ½, 3 ½ e 4 ½ tgombras) cun total radond 460 letgs. Pinavant sa cattan aint igl resort en sectour da SPA e da wellness, scu er en „kidsclub“ e „gamingroom“. Tar la planisaziun pò la societad sa basar sen las experienschas fatgas tranter oter tar igl resort Pradas a Breil/Brigels, tgi vign mano siva digl 2015 cun success. Sot la resalva tgi la radunanza communal approvescha igl contract da dretg da compra basignevel, vign la planisaziun digl resort da vacanzas persequitada cun la fegnameira da pudeir darveir igl stabilimaint igl onn 2021.

Prestaziuns digl cumegn per tots dus projects

Possessour dalla parcella da biagier agls Viols, Savognin, è igl cumegn. Gl'è previa da partair se la parcella e da surlascher igl taragn agls investours per en prietsch simbolic. Igl cumegn vign prubablamentg a decider fegn da schaner 2019 davart la concessiun digls dretgs da compra correspondents. Pinavant vign fatga ena planisaziun d'areal per augmentar la cefra d'utilisaziun tgi vign duvrada. La cumpetenzza da decider an tgossa ò la suprastanza communal.

Ulteriours sclariments Az dattan las suandontas persungas:

- Leo Thomann, mastral (telefonign 079 405 96 73).
- Project da hotel dalla Panorama Development SA:
 - Andreas Winkler, Quarton International AG (telefon 044 265 40 71)
 - Franz Hidber, Hidber Consultants GmbH (telefon 043 817 64 40)
- Resort da vacanzas dalla RESalpina ScRL
 - Dr. Beat Benz, ARTIS Alliance (telefon 043 268 07 55)
 - Marcel Friberg, MF Consulting (telefon 081 920 12 19)
 - Urs Hoffmann, Baulink AG (telefon 081 410 01 60)

Savognin, 11.12.2018